



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e-mail: [info@voda.ba](mailto:info@voda.ba)

Broj: **UP-1/21-3-40-393-6/23**  
Datum: **12.10.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „TVC“ d.o.o. Goražde, za donošenje rješenja o vodnoj dozvoli za ispuštanje tehnoloških otpadnih voda iz poslovno-proizvodno-skladišnog objekta namjene proizvodnja medicinskih kreveta i funkcionalnog namještaja, izgrađenog u naselju Vitkovići, grad Goražde, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99 i 61/22), donosi:

### **RJEŠENJE** **o vodnoj dozvoli**

1. Pravnom licu „TVC“ d.o.o. Goražde daje se vodna dozvola za ispuštanje tehnoloških otpadnih voda sa lokacije poslovno-proizvodno-skladišnog objekta, namjene proizvodnja medicinskih kreveta i funkcionalnog namještaja, izgrađenog u naselju Vitkovići, grad Goražde, na zemljištu označenom kao k.č. 3900/13 K.O. Goražde.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod slijedećim uslovima:
  - 3.1. Da pravno lice, „TVC“ d.o.o. Goražde obezbijedi da se sistem za prikupljanje, prečišćavanje i ispuštanje tehnoloških otpadnih voda sa lokacije poslovno-proizvodno-skladišnog objekta, namjene proizvodnja medicinskih kreveta i funkcionalnog namještaja, izgrađenog u naselju Vitkovići, grad Goražde održava u funkcionalnom stanju i koristi u skladu sa namjenom i uslovima iz ove vodne dozvole.
  - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnološki otpadnih voda sa predmetne lokacije, a prije ispuštanja u recipijent, zadovoljio granične vrijednosti u skladu sa članom 15. (prilog 28.) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
  - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. navedene Uredbe, a rezultate analiza dostaviti ovoj Agenciji.
  - 3.4. Čišćenje i konačno zbrinjavanje otpada sa uređaja za tretman otpadnih voda, kao i opasnog otpada sa lokacije „TVC“ d.o.o. Goražde može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju otpada, neophodno je voditi službenu evidenciju i arhivu.
  - 3.5. Na predmetnoj lokaciji nije dozvoljeno indirektno ispuštanje otpadnih voda u podzemne vode.
  - 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
  - 3.7. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada, kako bi se spriječilo moguće onečišćenje voda i tla.
  - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se aktivnosti obuhvaćene tačkom 3. dispozitiva rješenja u cjelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

### **Obrazloženje**

Pravno lice „TVC“ d.o.o. Goražde obratilo se ovoj Agenciji sa zahtjevom zaprimljenim 11.09.2023. godine za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodno-skladišnog objekta namjene proizvodnja medicinskih kreveta i funkcionalnog namještaja, izgrađenog u naselju Vitkovići, grad Goražde, na zemljištu označenom kao k.č. 3900/13 K.O. Goražde.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

#### **A. Opšta dokumentacija**

- Aktuelni izvod iz sudskog registra matični broj subjekta: 45-01-0003-21 od 20.06.2023. godine izdat od strane Općinskog suda u Goraždu - ovjerena kopija;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni porezni ured Goražde, 26.04.2023 godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-2908-2/23 dana 10.05.2023. godine donesenog od Uprave za indirektno-neizravno oporezivanje Banja Luka;
- Mišljenje broj: 09-19-264-1/21 od 12.06.2021. godine dato od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde;
- Uplatnica za upravnu taksu u iznosu od 70.00 KM Federalne takse na zahtjev;
- Rješenje o odobrenju za građenje broj: UP-1-09-19-26/21 od 20.10.2021. godine od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde;

- Rješenje o upotrebnoj dozvoli broj: UP-1-09-19-23/22 od 31.01.2023. godine od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde;
- Rješenje broj: 04-33-3926-2/23 od 19.07.2023 godine izdato od strane Federalnog ministarstva zdravstva;
- Rješenje o registraciji broj 045-0 Reg-21-000 018 od 09.04.2021 godine, Općinski sud u Goraždu;
- Transportna dokumentacija za otpad izdata od strane „AIDA-COMMERCE“ d.o.o. Sarajevo, dana 07.06.2023 godine;
- Ugovor o pružanju usluga zbrinjavanja opasnog otpada sklopljen sa AIDA-COMMERCE“ d.o.o. Sarajevo dana 28.03.2023. godine;
- Rješenje o vodnoj saglasnosti broj UP-1/21-2-40-048-2/22 od 23.02.2022. godine izdato od strane "Agencije za vodno područje rijeke Save" Sarajevo;
- Izvještaj o monitoringu otpadnih voda pravnog lica „TVC“ d.o.o. Goražde, urađen od strane „Inspekt-RGH“ d.o.o. Sarajevo, august 2023. godine;
- Kopija plana komunalnih uređaja broj: 07-26-3-600/23 07-26-3-601/23 od 05.10.2023. godine izdat od strane Službe za geodetske, imovinsko-pravne poslove i katastar nekretnina, Grad Goražde.

#### B. Tehnička dokumentacija

- Glavni projekat sistema za odvodnju tehnoloških otpadnih voda iz postrojenja za elektrostatsko farbanje u Vitkovićima, Goražde, urađen od strane ovlaštenog pravnog lica "Saraj inženjering" d.o.o. Sarajevo, novembar 2021 godine.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 02.10.2023. godine izvršen uviđaj na predmetnoj lokaciji poslovnog-proizvodno-skladišnog objekta o čemu je sačinjen Zapisnik o uviđaju broj: UP-1/21-3-40-393-2/23.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija poslovno-proizvodno-skladišnog objekta namjene proizvodnja medicinskih kreveta i funkcionalnog namještaja, nalazi se u okviru industrijske zone grada Goražde u naselju Vitkovići, na zemljištu označenom kao k.č. broj: 3900/13 K.O. Goražde. Ukupna površina predmetne parcele je 16 977 m<sup>2</sup>.

Najbliži vodotok predmetnoj lokaciji je rijeka Drina koja je udaljena cca 200 m zračne linije.

Tehnološki proces se sastoji od sljedećih aktivnosti/operacija: proces savijanja profila na mašinama, proces probijanja i prosijecanja dijelova na presama, proces mehaničke obrade komada glodanjem na CNC i manuelnim glodalicama, proces mehaničke obrade komada struganjem, proces brušenja, proces oštrenja, bravarski radovi sa bušilicama, nitnovanje, varenje, montaža i suho praškasto farbanje.

Postrojenje za farbanje se sastoji od sljedećih tehnoloških cjelina: hemijski predtretman prskanjem, automatsko nanošenje praškastog premaza, peć za sušenje praha, automatski transportni sistem, električna kontrolna tabla, jedinica za reverznu osmozu, postrojenje za tretman otpadnih voda.

Tehnološka otpadna voda nastaje u hemijskom predtretmanu, prije nanošenja praha, u postupku odmašćivanja i pasivizacije. Ukupna količina otpadne vode na dan je 9,6 m<sup>3</sup>. Otpadne vode se koncentrišu u koncentracionom rezervoaru odakle idu u šaržni reaktor zapremine 1,5 m<sup>3</sup>. Cijeli proces je automatizovan. Program tretmana u šaržnom reaktoru sastoji se od neutralizacije, flokulacije, koagulacije, taloženja, uklanjanja mulja, konačna pH kontrola, filtriranje vode. Prečišćene tehnološke otpadne vode se preko okna za monitoring, koje se nalazi u sklopu uređaja za tretman, spajaju na internu oborinsku kanalizaciju potom odvođe na separator masti i ulja te cijevima odvođe i ispuštaju u rijeku Drinu.

Način odvodnje je izmijenjen u odnosu na Glavni projekat gdje bilo predviđeno da se vode spajaju na fekalnu kanalizaciju unutar objekta. Dokaz o izmjeni odvodnje tehnoloških otpadnih voda je izjava podnosioca i Kopija plana komunalnih uređaja broj 07-26-3-600/23 07-26-3-601/23 od 05.10.2023. godine izdat od strane Službe za geodetske, imovinsko-pravne poslove i katastar nekretnina, Grad Goražde.

Mulj koji nastaje koncentrisan na dnu šaržnog reaktora uz upotrebu membranske pumpe se odvodi u dva vrećasta filtera te zbrinjava od strane ovlaštene firme.

Snabdijevanje vodom za potrebe predmetnih objekata biće obezbijeđeno priključkom na gradski vodovodni sistem.

Iz izvještaja o monitoringu kvaliteta i kvantiteta tehnoloških otpadnih voda „TVC“ d.o.o. Goražde, august 2023. godine, urađen od strane „Inspekt-RGH“ d.o.o. Sarajevo, utvrđeno je da rezultati ispitivanja uzorka ne prelaze granične vrijednosti definisane u prilogu 28. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „TVC“ d.o.o. Goražde ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

**Po ovlaštenju**  
**Rukovodilac sektora za izdavanje vodnih akata**



**Haris Ališehović, dipl.inž.građ.**

#### **Dostaviti:**

- „TVC“ d.o.o. Goražde, 1. Drinske brigade bb, Goražde (Prilog - Ovjerena Tehnička dokumentacija navedena pod tačkom B. obrazloženja Rješenja)
- Ⓢ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava